

**Bosna i Hercegovina
Federacija Bosne i Hercegovine**

KANTON SARAJEVO

**Javna ustanova "Služba za zapošljavanje
Kantona Sarajevo" Sarajevo
SARAJEVO**



**Bosnia and Herzegovina
Federation of Bosnia and Herzegovina**

CANTON SARAJEVO

**Public Institution "Employment Service of
Canton Sarajevo" Sarajevo
SARAJEVO**

OTVORENO PISMO (MENTALNA HIGIJENA)

Poštovani,

Na društvenim mrežama objavljene su fotografije biroa Ilidža Službe za zapošljavanje KS. Insinuacije koje su pratile objavljene fotografije su išle toliko daleko da se prostor biroa Ilidža Službe za zapošljavanja KS koristio za predizborni skup jedne od političkih partija. Ovim Otvorenim pismom želim da prezentujem punu informaciju o dešavanju tog dana, 23.10.2020. godine, tj. zašto je biro Ilidža bio otvoren i nakon kraja radnog dana. Prvo, nikakav, ali nikakav predizborni skup nije održan u birou Ilidža. I da je neko i poželio da to učini sigurna sam da manje od 100m² nije prikladan prostor za tu namjenu, a i na fotografijama se ne primjeti nikakvo dešavanje koje ukazuje na bilo kakav skup. Drugo, u proteklom periodu biro Ilidža je bio pogodjen odsustvom jednog broja radnika i da bi kraj radne sedmice okončali sa urednom i sredjenom dokumentacijom jedan broj zaposlenika je ostao i poslije kraja radnog vremena. Ovaj ostanak je bio isključivo u funkciji okončanja radnih zadataka iz proteklog perioda i stoga svaka insinuacija o nekavim skupovima je besmislena. Treće, razumijem da se u političkoj borbi ne biraju sredstva, ali koristiti javnu ustanovu i njene radnike za ovakve obračune je žalosno. Javna ustanova Služba za zapošljavanje KS ne provodi nikakve aktivnosti političke prirode, a radnici svoje političke aktivnosti, ako žele, upražnjavaju nakon radnog vremena.

Istovremeno, Služba u ovom trenutku provodi nekoliko programa sa realnim zapošljavanjem nekoliko stotina nezaposlenih lica, dnevno primamo desetine korisnika, izdajemo dnevno desetine rješenja i sve ovo radimo ne pitajući za radno vrijeme i poštujući sve protokole proizašlih iz situacije sa COVID-19.

Gotovo svi radnici Službe su svakodnevno posvećeni sigurnosti i redovnom izvršavanju radnih zadataka osim par nezadovoljnika kojima ne odgovara maksimalna posvećenost pružanju usluga nezaposlenim licima. Ovakve aktivnosti koje se odvijaju bez dodira sa bilo kakvim politikama nekima smetaju, ali ti neće uspjeti u namjeri da poremete odnose u Službi.

Što se tiče daljnjih insinuacija "najboljeg" menadžmenta Službe od rata to ih molim da svoje prijave (uglavnom anonimne) ne šalju samo CIK-u, SIPI i tužilstvu već da iste šalju i FUP-u, sektoru za privredni kriminal MUP-a KS, tužilstvu BiH, tužilstvu FBiH te svim institucijama koje bilo kakve veze imaju sa provedbom zakona.

Na kraju, želim da stanem iza gotovo svih radnika (iza "najboljih" ne mogu jer iza njih trebaju stati stručne osobe za mentalnu higijenu) Službe jer u doba COVID-19 nastoje pružiti pomoć svim našim korisnicima iako je Služba opterećena bolovanjima te enormnim prilivom prijava i odjava korisnika.

U nadi da će "najboljim" bar jedna prijava nadležnim biti uspješna želim da se javno zahvalim svim radnicima Službe koji svoje poslove obavljaju uspješno poštujući sve protokole, a da jedino što je neuspješno u Službi su prijave nadležnim od "najboljih".

S poštovanjem,

V.D. Edina Ljubuškić



P.S. Frapantan je podatak da "najbolji" od rata niti ne znaju da je Služba osnovana Odlukom iz 2001. godine i to 6 godina nakon okončanja agresije na BiH.

